

a Syne doirluchticheyt syne Excellencie myne heeren vande Raede van Staten ende mijne heeren representerende de Generaele Staten vande landen van herwaertsovere vergadert wésende binnen der stadt van Antwerpen,

b aenmerckende tgroot ende apparent dangier daerinne de voirseide Nederlanden zijn van te vallen in de tirannische handen vande Spaingnaerden ten zij dat met alder spoet alle misverstanden apparentelick te rysen tusschen de provincien afgheleyt ende geremedieert worden,

c gehoirt hebbende trapport van het gebesoingneerde van huerlieder gedeputeerde gesonden binnen der voirseide stadt van Ghendt ten afflegghe vande voirseide misverstanden ende daerop mitsgaders van zeker schriftelick verclaers den zelven gedeputeerden vanweghen scepenen van beide de Bancken, beyde de dekens, edelen ende notablen mitsgaders den drie leden der voornoemde stede van Ghendt in handen ghegheven den 27en der maendt van october lestleden ende op al rypelick geleedt, hebben geaccepteert ende accepteren by desen de verclaers en presentatien int voirseide gheschrifte begrepen inder manieren naervolghende te wetene,

d ten eersten dat die voirseide van Ghend zullen toelaeten ende gedooghen vrye exercitie vandè catholicque roomsche religie in bequaeme kerken ende plaetsen mitsgaders den geestelicken persoonen laeten volghen henlieden goedinghen zowel inden stadt van Ghendt als in andere plaetsen van Vlaenderen dies zullen diezelve geestelicke

persoonen gehouden wesen hemlieden in stilheyt, redelicheyt ende getrouwicheit te houdene zonder teghens der voirseide stadt ende vaderlandts ruste yet te practiseren ofte attenteren directelick oft indirectelick op pene van gestraft te zyne naer den heesch vanden zaecke.

e So oock zyne doorluchtigheyt zyne Excellencie mynen voornoemde heeren van de Rade van Staten ende vande Generaele Staten zullen alle debvoir doen om te induceren d'andere geunieerde provincien dat zy vrijelick zullen toelaten het religionis vrede ten anderen, alzo de voirseide van Ghendt hebben verclaert den edelen vanden lande egheen ^hbinden^u, in ^uinjurie oft naedeel te willen doen, als heurlieden meyninghe niet geweest hebbende dezelve edelluyden vuyt te ^{no}wyten oft te verminderen, zo eenighe henlieden ten onghelycke hebben naegheseyt, ende niet te willen eenighe steden oft provincien int particuliere noch int ghemeene met wapenen overvallen, die eenichsins te molesteren oft te inquieteren, noch anderssins yemandts iurisdicctie te violeren, so sist dat zyne voornoemde doirluchticheyd zyne Excellencie Raedt van Staten ende Generaele Staten tzelve oock aennemem.

f Item dat den gevanghenen binnen der voirseiden stadt van Ghendt gesaisiert zal goede justicie worden geadministreert als die uytlandsche ende vrempde vyanden ^uvuytgeweert zullen zyn, accepterende de belofte byde voirgaende van Ghendt gedaen, dat middelertyt teghens dezelve gevanghenen niet geattenteert en zal worden, noch hen eenich hindernisse gedaen, ende tot meerdere verzekertheyt van tghene voirseit is, zullen de voirseide gevanghene daerentusschen gestelt worden endē bewaert in neutraele plaetsen, tot decisie van heurlieder zaecke.

g Ende volbringhende die van Ghendt alle de voirseide poincten ende articlen zullen zyne voirseide doirluchticheyt Excellencie Raedt van Staten ende Generaelen Staten dezelve, als wesende een merckelick ^hseth vande Generale Unie, nemen ende houden in heure protectie ende beschermenisse ende dezelve voirstaen ieghens alle invasiën, geweld ende overlasten die hen zyn oft zullen worden aengedaen, ende zullen ordre stellen dat die Waelsche soldaten daeraf zy hun beclaghen zullen vertrecken uut Vlaenderen ende de geoccupeerde plaetsen derzelve ende trecken naerden ^hlegere ende zoverre zy des weygherlick zyn te doene, zullen gebruycken alle beqwaeme middelen

ende bedwanck daertoe dienende.

Ghedaen binnen der stadt van Antwerpen den 3en novembris 1578.